

國朝耆獻類征初編

國朝耆獻叢征初編

國朝賢媛類徵初編卷九目錄

烈二

蔡以位妻孫氏 郭繼汾妻林氏

胡三妻某氏

宋某聘妻吳氏

魯某妻張氏
徐俊妻張氏

劉汝弼妻王氏

喬潤聘妻郭純

賈武聘妻張氏

黃士振聘妻陳寶娘

粉姐
酋女直額

薛受益妾盧氏

郝琪聘妻賀千金

義婢安氏
徐某聘妻陳氏

徐世茂妻魯氏

張來譽妻尙氏

劉青黎繼妻唐氏

魏克儉妻王氏

仲某妻牟氏

吳鶴聘妻林萃娘

辭燕妻洪豔娘

劉埜德妻李氏

傅文鳳聘妻辭氏

郭某妻王氏

謝錫川聘妻張愼娘

遲維型妻馬氏

山溪烈婦
徐法妾嚴氏

鄧某妾扈氏

張習妻賴媯娘

萬阿一聘妻陳菊娘

張四維妻劉氏

洪祖選聘妻毛氏

許琚妻程氏

李岸妻焦氏

國朝賢媛類徵初編卷九

通奉大夫前署江西巡撫江西布政使司布政使湘陰李桓輯

烈二

蔡以位妻孫氏 郭繼汾妻林氏

蔡烈婦孫氏福州侯官人明禮科給事中昌祖之孫女父諸生穀
貽有高操與同里蔡其聰相好也烈婦有姊嫁其聰次子以仕而
烈婦歸少子以位烈婦幼嫻禮則端莊寡言笑既嫁事姑嫜甚謹
其聰成進士未仕而沒家酷貧以位棄其業與磋商同事至順昌
遇羣行販私鹺者訶止之起而格鬪以位被創死婦聞悲慟勺水
不入口者數日潛自縊以救解迎喪江干奮身投水有持之者不

克死其姊以義責之曰若幸有子卽死如立孤何乃不復求死官捕得私販者法當抵死而律令須檢傷乃定罪檢傷者洗肉見骨慘不忍言婦曰是重僇吾夫也痛不欲檢而非檢則冤不伸理官悲其意爲杖斃首惡二人婦感理官刺骨每夜焚香祝天然茹恨銜哀終身未嘗露齒足不踰戶閭同產兄舉子迎之暫歸終不住有疾不肯服藥若惟恐不得死者其姊慰勸之萬方終不解語次嘗以孤屬其姊喪且再期謂其姊曰吾兒幸稍長韉履可取諸市不煩手縫矣兒向苦瘡今愈矣不累吾姊矣有言旣祥而姑在當具淺色綦履者婦曰無庸姑緩之姊察其有異陰守護之大祥之日顧從容如平時哭奠畢就寢稍休久之不出姊趨視之則闔戶

引經自經矣時康熙乙亥七月十三日也年二十有九

郭烈婦林氏閩縣人遠祖真如濮州靖難兵至抗節死父曰閎蔡嫁爲郭繼汾妻郭氏之始祖曰鏜以軍功世襲福州中衛指揮使明亡乃絕繼汾聰穎善讀書工楷法然嗜飲喜遨遊得病嘔血猶弗改婦數數苦諫謂宜節飲擇交繼汾怒寢不見荅婦弗怨也脫簪珥爲湯藥費斷髮誓天夫病篤囑兄嫂善視大人母以我爲念夫沒撫屍慟哭卽日投井死後蔡烈婦死才一日耳無子年二十有四

贊曰婦人之死其夫者大都在新喪時不勝其悲痛以身殉之過此而不死則不死矣蔡氏婦獨死於大祥之後神傷心死二年如

一日可不謂烈哉夫婦之際恩重則生輕故捐軀從夫者必其篤於伉儷者也郭氏婦琴瑟不諧而能與夫偕死斯以義勝情者耶閩地在天末浹辰而死烈者二人雖中州不多見也余遊茲土目覩其事弔而傳之旌閩表墓以維風教則有司之責也夫

右傳潘耒撰

胡二妻某氏

烈婦舟人子也失其姓嫁於洞庭胡氏夫業農行二與伯若季異居而養母伯若季弗之瞻也烈婦曰吾夫婦各減數口食母猶可以飽母如一子將不獨養而誰養乎自是忍飢操作母之菽水無缺閒進甘肥母死覓地以葬焉初胡二無一椽之庇也母既終夫婦辛勤操作歲收較倍得立屋以居而夫病瘵鄰人競勸禱祀烈婦獨奔走醫藥病且篤烈婦哭曰吾聞糞苦者生甘者死嘗之則甘夫竟死女一未離乳伯一子而季有二勾其次者以爲嗣季婦笑曰姆身不自保能保夫嗣乎弗許烈婦欲斥賣己屋卽姑墓附葬其夫伯與季又撓之居數月伯舉少男烈婦喜乃往哭曰吾女

三歲乳未乾伯又生男天其欲延吾夫血食乎請遂纓負以歸伯
領之烈婦固舟人子歸貸百錢將祀其夫而以獲嗣告舟人欲婦
他適也怒詈之不與一錢而伯所領者亦寢烈婦以事不諧不死
且旦夕受辱遂投纓夫柩之旁以死時康熙丙子十二月某日也
明年春徐君跨青偕予過洞庭艤舟登陸得烈婦殯宮於叢薄閒
里人爲述前事甚悉約斂錢合葬而徐君流播其事一時士大夫
作爲詩歌歎歎而憑弔之烈婦之名於是乎不朽

右傳王雲撰

宋某聘妻吳氏

魯某妻張氏

徐俊妻張氏

烈女吳氏吳人也父爲御史許字宋氏未嫁宋氏子死女矢志不
適人父將奪其志女不聽死之故稱吳烈女云初烈女失母弟妹
四人俱幼烈女撫之甚篤及聞其夫之變欲自盡願弟妹無所依
弗忍乃請往成服父色然駭叱曰若室女也胡爲此辱矣若翁更
爲若擇嘉耦爾女痛哭累日夜不食飲欲赴井家人持之吞金約
指宋所聘也將死父憐之且悔急藥之得不死慰之曰兒母死我
成兒志特不得往成服耳我養若終其身不亦可乎女領之乃復
食女故慧婉事父母孝長讀書識大義至是吳下競傳之閭里莫
不籍籍稱歎以爲奇而其父乃更納他氏聘親迎有日矣女聞之

歎息泣下誓必死乘父他出侍兒寢乃繫帛於梁置二金鳳釵於
几皆宋聘也手書繫衣帶請以釵易棺歸屍宋氏遂結縊自縊死
宋氏聞之大驚痛悼奔請其喪與宋氏子合葬吳下士爭爲詩文
以誄之時丁丑四月事也是年三月婁又有烈婦張氏者農家女
嫁魯氏夫家故非良姑與夫迫使爲私以爲利婦恚不從姑大怒
箠撻之凍餒莫之恤凡三四載志終不變聞語所親涕泣以死自
誓旣而其夫劫之他往婦知不免夜啟戶躍入萬安橋下水中死
越八日里人獲其屍色如生衣上下百結時方二十一歲云
王源曰予適吳中遇韓生鵬舉者泰州人見所爲吳烈女詩歌因
爲之傳予嘗爲高節婦傳亦室女守節終其身者而烈女之死尤

其痛也然女生貴家讀書識大義魯烈婦又何爲哉人之貴賤存乎義不義所生固無論矣語曰醴泉無源靈芝無根其是之謂乎

右傳王源撰

徐俊妻張氏

烈婦張氏居上海黃浦東川沙城堡其夫徐俊以病疫死死三月餘而烈婦死烈婦之死也以周某者唆其母使偪之周某故其夫之姻戚也里中有豪某素窺烈婦姿而莫敢以犯也烈婦夫死時仲夏天驟熱烈婦馮其尸哭五日而卒無棺以斂之豪乘其急以貲畀之而烈婦弗受也乃鬻其女以買棺而斂而烈婦之母悍而貪周爲豪計曰是可以貨餌也於是厚以遺其母其母偪烈婦改

適豪曰汝改適則汝生不則汝死矣烈婦痛哭曰吾死可也而何以改適爲於是持刀截其髮斃其面血淋漓駭人周猶咬其母偏之勢終弗肯已烈婦遂於是自縊焉烈婦死而其長女已鬻於人其乳下女方呱呱然也

右傳劉巖撰

劉汝弼妻王氏

劉烈婦王氏者甯陵諸生王定世女少失怙恃依祖母以居性質直不喜外飾許字睢州劉鍾崧子汝弼內外皆宦族故家雖中落烈婦舉止猶存舊風于歸後里黨皆稱爲賢康熙三十八年汝弼遭疾勢不起烈婦以死要夫前預齋礮一掬十月二十三日汝弼果死烈婦卽取向所蓄者聞人方哀哭以酒吞之人觸酒氣怪之方疑服毒毒大作嘔吐絞腹舅姑急求藥解之烈婦瞑苦間猶能踢翻煑藥銚更煑以進連碎二盃不得已束縛灌之此時烈婦亦昏不知人故藥得少少入毒竟解然流徧肌膚潰敗偃牀者累月方漸能起起隨投纆結斷墜地復不得死自是其姑飲食寢處必

與其不暫離烈婦度無以脫身成己志願時時撫其弱女陽背人自語死易耳如此塊肉何一旦落人手痛忍言哉因長號不止又時時向其姑曰婦豈樂死慮盛年無子舅姑且奪我志苟使遂從一之願得以仰事俯育保亡夫一息二人方壯甯憂無倚有叔在自保殘年有噉飯處也姑察其憐女甚又自爲不死言謂信然不求死矣久之烈婦操作如平時遇事皆爲長遠計家人亦復不虞防漸懈乃五月二十六日麥刈登場從姑往觀因笑指麥積語弱女汝今後得飽餽飫也是夜就寢語姑曰氣漸燠汗澤薰漬臭穢殊難當浴體開衾皆非奉尊所宜姑盍歸復故寢姑久安其無他遂反室閒日夜向二鼓烈婦房中火光外射姑驚呼問故烈婦隨

應曰驅蠱之火藝方撲使滅老人多心奈何乃已良久火弗息往視之烈婦以帕繞頸死矣簪飾妝裹如平時距夫死蓋七月云其定志深心乃如此聞昔汝弼叔姑適余恬然夫死矢以身殉家人閑之乃自絕食凡經二十三日始卒烈婦曾祖耐園公尹白水土寇突起城中擁寺門公方索冠裳坐堂上命役伐鼓啟門家人環位牽之避匿屹不爲動甘齧賊刃嗚呼烈婦之所爲蓋非偶然者矣

論曰余季弟橘芳爲劉門壻適寓其莊訓童子親見烈婦仰藥泛鎗毀器狀爲余述之甚備不禁魂驚心怛難其勇於赴死恨強欲生之者之未衷於義也後數月聞烈婦尙在每遇彼閒人輒刺之